

Sakspapir

Sakshandsamar	Arkiv	ArkivsakID
Svein Helge Hofslundsengen	FE-223	21/395

Saknr	Utval	Type	Dato
010/2021	Kraftfondsstyret	PS	29.04.2021

GMU - Marknadsføringsprosjekt Masfjorden - søknad om støtte gjennom kraftfondet

Vedlegg:

Journalposttittel	Dato
Kraftfondet - søknad om tilskot	21.04.2021
Framdriftsplan vedlegg1.xlsx	21.04.2021
Invitasjon til samarbeidsmøte vedlegg10.docx	21.04.2021
Oversikt over reiselivs- og servicebransjen i Masfjorden kommune vedlegg11.xlsx	21.04.2021

Rådmannen sitt framlegg til vedtak:

GMU/fellestiltak for service- og reiselivsverksemder i Masfjorden får tildelt eit tilskot med inntil kr. 40.000,- gjennom kraftfondet til bedriftsutvikling/marknadsføringsprosjekt.

Saksopplysningar:

Bakgrunn

Gulen og Masfjorden utvikling as (GMU) søker om kr. 44.265 i støtte gjennom kraftfondet til marknadsføringsprosjekt i Masfjorden for dei fleste aktørar innan service- og reiseliv i kommunen, av eit totalprosjekt på kr. 126.473,-.

Bakgrunn er å etablere ei felles plattform for service -og reiselivsverksemdene i Masfjorden ved å etablere ei felles nettside for å marknadsføre lokale bedrifter i Masfjorden knytt til service- og reiselivsnæringa. Forutan å promotere lokalt næringsliv, vil ein også etablere reiseruter knytt til kultur, historie, natur mm i tillegg til å etablere felles nettverk for å utvikle nye samarbeid. Gulen og Masfjorden Utvikling as skal fungere som prosjektleiar og sikre framdrift og gjennomføring. Ved å gjennomføre prosjektet i regi av GMU blir økonomisk terskel for å kunne delta låg og tilskot vil gagne langt fleire enn om bedriftene kvar for seg skulle gjennomføre tilsvarande opplegg. GMU vil yte tilskot i form av timebruk knytt til prosjektet.

Uttale

Alle søkerar til kraftfondet skal verta invitert til kraftfondsstyret (eller Kommunestyret) for å få presentert prosjekt/forretningsideen sin. Søkar kjem og orienterer om søknaden/prosjektet.

Fakta

Viser til saksvedlegg, og vedtektene for kraftfondet.

Kraftfondet skal i hovudsak nyttast til næringsføremål. Fondet kan og nyttast til kommunale tiltak som tryggjer og aukar busetnaden i Masfjorden kommune. Prosjekt som har til føremål å betra vilkåra for sysselsetjing av ungdom og kvinner bør prioriterast. Fondet's midlar kan berre nyttast til investeringar i varige driftsmidlar.

Støtteformer, og som her er relevant, **Bedriftsutvikling** til dømes: etableringsstipend, opplæring, produktutvikling, marknadsføring, marknadsundersøking og planlegging

Beløpsgrenser for støtte gjennom kraftfondet; • Bedriftsutvikling kr. 40.000,-

Vurdering & konklusjon

Tilrår at omsøkte prosjekt i regi av GMU som fellestiltak for service- og reiselivsverksemder i Masfjorden får tildelt eit tilskot med inntil kr. 40.000,- gjennom kraftfondet til bedriftsutvikling/marknadsføringsprosjekt.

Kraftfondsstyret - 010/2021

KRFT - behandling:

Dagleg leiar i GMU Ragnhild Underetun møtte til den saka og orienterte om søknaden.

Saka vart drøfta.

Framlegg til vedtak vart samrøystes vedteke.

KRFT - vedtak:

GMU/fellestiltak for service- og reiselivsverksemder i Masfjorden får tildelt eit tilskot med inntil kr. 40.000,- gjennom kraftfondet til bedriftsutvikling/marknadsføringsprosjekt.